

<b>CYNGOR SIR YNYS MÔN</b>	
<b>PWYLLGOR</b>	<b>PWYLLGOR CRAFFU CORFFORAETHOL</b>
<b>DYDDIAD Y CYFARFOD:</b>	<b>26 TACHWEDD 2012</b>
<b>TEITL:</b>	<b>CYNLLUN INTEGREDIG SENGL</b>
<b>AWDUR:</b>	<b>PENNAETH GWASANAETH - POLISI</b>
<b>DEILYDD PORTFFOLIO:</b>	<b>ARWEINYDD Y CYNGOR</b>

## 1.0 **Cefndir**

- 1.1 Fe gyflwynwyd adroddiad i'r Pwyllgor Gwaith ar 19 Tachwedd 2012 yn amlinellu'r sefyllfa ddiweddaraf mewn perthynas â'r gwaith o baratoi Cynllun Integredig Sengl. Bydd angen cyhoeddi'r Cynllun erbyn Ebrill 2013.
- 1.2 Bydd cyfnod ymgynghori yn dechrau o ddiwedd y mis hwn ar gynnwys y Cynllun ac mae'n bwysig bod Aelodau yn craffu'r Cynllun drafft. Awgrymir y dylid trefnu gweithdy ar gyfer Aelodau i'r diben hwn yn ystod y cyfnod ymgynghori sy'n gorffen ym mis Ionawr 2013.

## 2. **Argymhelliad**

- 2.1 Gofynni'r i Aelodau nodi'r wybodaeth yn yr adroddiad cynnydd sydd ynghlwm a'r bwriad i drefnu gweithdy er mwyn craffu cynnwys y cynllun drafft.

**Huw Jones**  
**Pennaeth Gwasanaeth - Polisi**  
**16.11.12**

<b>CYNGOR SIR YNYS MÔN</b>	
<b>Adroddiad i</b>	<b>PWYLLGOR GWAITH</b>
<b>Dyddiad</b>	<b>19 TACHWEDD 2012</b>
<b>Pwnc</b>	<b>CYNLLUN INTEGREDIG SENGL</b>
<b>Deilydd(ion) Portffolio</b>	<b>ARWEINYDD Y CYNGOR</b>
<b>Swyddog(ion) Arweiniol</b>	<b>PENNAETH GWASANAETH – POLISI</b>
<b>Swyddog Cyswllt</b>	<b>RHEOLWR POLISI A STRATEGAETH</b>
<p><b>Natur a rheswm dros adrodd</b></p> <p><b>Rhoi gwybod i'r Pwyllgor Gwaith am y cynnydd mewn perthynas â pharatoi'r Cynllun.</b></p>	

<b>A - Cyflwyniad / Cefndir / Materion sydd angen sylw</b>	
<b>1.0</b>	<b>Cefndir</b>
1.1	Ar 5 Hydref 2010 adroddais i'r Pwyllgor Gwaith bod rhaid diweddarau'r Cynllun Cymunedol ar gyfer yr Ynys yn unol â Mesur Llywodraeth Leol (Cymru) 2009. Roedd hyn yn cynnwys gwaith ar ddatblygu gweledigaeth tymor hir a chyfres o flaenoriaethau allweddol ar gyfer gwella lles Cymdeithasol, Economaidd ac Amgylcheddol yr ardal hyd at 2025.
1.2	Adroddais hefyd bod y gwaith hwn yn cael ei oruchwylio gan y Bwrdd Gwasanaethau Lleol ar gyfer Ynys Môn fel y bartneriaeth strategol allweddol sy'n gweithredu yn yr ardal, a hynny'n unol â chanllawiau Llywodraeth Cymru. Cyflwynwyd adroddiadau pellach i'r Bwrdd Comisiynwyr ar 23/03/11 a 27/07/11.
1.3	Yn wreiddiol roedd y BGLI wedi pennu amserlen i gynhyrchu'r Cynllun erbyn Mawrth 2012.
1.4	Cynhaliwyd ymarfer ymgynghori cyhoeddus ar siapio Cynllun 2012-25 rhwng mis Hydref a mis Rhagfyr 2011.
<b>2.</b>	<b>Gostwng y nifer o Gynlluniau a Chynllun Integredig yn 2012</b>
2.1	Yn gynharach yn y flwyddyn adolygwyd yr amserlen gan y BGLI yn wyneb canllawiau a gyhoeddwyd gan Lywodraeth Cymru ar Gynlluniau a

Phartneriaethau Integredig a oedd yn gosod gofynion newydd ynghylch cyfyngu ar niferoedd y cynlluniau. Mae'r canllawiau yn dweud y dylai Cynllun Integredig Sengl a gomisiynir gan y BGLI fod wedi ei sefydlu erbyn Ebrill 2013 i ddisodli'r Cynlluniau Isod:

- Cynllun Cymunedol
- Strategaeth Iechyd, Gofal Cymdeithasol a Lles
- Partneriaeth Plant a Phobl Ifanc
- Diogelwch Cymunedol

2.2 Mae'r Canllawiau yn dweud y dymunir gweld y broses yn arwain at integreiddio gwaith cynllunio gwasanaethau lleol, mireinio gwaith partneriaeth a chryfhau rôl strategol y BGLI.

### **3. Gofynion y Cynllun Integredig Sengl**

3.1 Mae yna nifer o agweddau fel a ganlyn:

- Rhaid iddo fod yn seiliedig ar asesiad cynhwysfawr o anghenion
- Rhaid iddo fabwysiadu methodoleg sy'n seiliedig ar ganlyniadau
- Rhaid iddo ystyried anghenion y boblogaeth gyfan
- Rhaid iddo ganolbwyntio ar grwpiau penodol sydd dan anfantais

3.2 Rhaid i'r Cynllun hefyd gynnwys:

- Gweledigaeth tymor hir ar gyfer yr ardal
- Dadansoddiad o faterion ac anghenion allweddol
- Canlyniadau a flaenoriaethir a chynlluniau gweithredu cefnogol dros gyfnod o 3 blynedd
- Nifer fechan o feysydd blaenoriaeth i'r BGLI ganolbwyntio arnynt.

3.3 Mae'r ffocws Strategol yn y cynllun yn bwysig felly i yrru'r rhaglenni cyflawni yn eu blaenau ac ar gyfer gweithredu ar y cyd a dylanwadu ar gyfleon cyllido i'r dyfodol.

Mae cysylltiadau gyda chynlluniau eraill yn bwysig.

3.4 Gwnaed gwaith ar ddatblygu'r Cynllun Integredig yn y misoedd diwethaf trwy gyfres o weithdai gan y BGLI i nodi meysydd blaenoriaeth ar gyfer gweithredu ar y cyd. Mae'r rhain wedi eu grwpio dan dri maes blaenoriaeth - Pobl, Lle a Swyddi – gan adeiladu ar y themâu a flaenoriaethwyd ac yr ymgynghorwyd arnynt yn 2011 pan ddiweddarwyd y Cynllun Cymunedol bryd hynny.

### **4.0 Ymgynghori**

4.1 Mae'n rhaid ymgynghori ar y Cynllun Integredig Sengl. Ymgynghorwyd flwyddyn yn ôl am gyfnod o dri mis ynghylch siapio'r Cynllun Cymunedol. Defnyddiwyd canlyniadau'r ymgynghoriad hwnnw fel sail ar gyfer gwaith ar y Cynllun Integredig Sengl. Oherwydd hynny, bwriedir yn awr y bydd y cyfnod ymgynghori hwn yn fyrrach, sef o ganol mis Tachwedd 2012 i ganol mis Ionawr 2013.

4.2	Mae gwaith yn parhau ar gwblhau dogfen ymgynghorol a ryddheir i gydranddeiliaid erbyn dim hwyrach na'r wythnos sy'n cychwyn 26 Tachwedd 2012.
4.3	Adroddir ar yr atborth o'r ymgynghoriad i'r BGLI ar ddiwedd Ionawr 2013 a chyflwynir Cynllun diwygiedig i'r Partneriaid i'w gymeradwyo. Ar ôl i'r Pwyllgor Gwaith ei ystyried, bwriedir cyflwyno'r Cynllun i'r Cyngor ym Mawrth 2013 i'w fabwysiadu.
<b>5.0</b>	<b>Ar ôl Ebrill 2013</b>
5.1	Y Cynllun Integredig fydd sail rhaglen waith y Bwrdd Gwasanaeth Lleol ar y cyd i'r dyfodol, fel yr adroddwyd i'r Bwrdd Comisiynwyr ar 19 Mawrth 2012. Yn ystod 2013/14 bwriedir cynhyrchu un Cynllun cynhwysfawr ar gyfer y ddwy Sir gan ddefnyddio'r Cynlluniau Integredig fel sail ar gyfer y gwaith hwnnw.

<b>B – Ystyriaethau</b>

<b>C - Goblygiadau ac Effeithiau</b>	
1	<b>Cyllid / Adran 151</b>
2	<b>Swyddog Cyfreithiol / Monitro</b>
3	<b>Adnoddau Dynol</b>
4	<b>Gwasanaethau Eiddo</b> (gweler nodiadau – dogfen ar wahân)
5	<b>Technoleg Gwybodaeth a Chyfathrebu (TGCh)</b>
6	<b>Cydraddoldeb</b> (gweler nodiadau – dogfen ar wahân)
7	<b>Gwrthdodi a Chymdeithasol</b> (gweler nodiadau – dogfen ar

<b>C - Goblygiadau ac Effeithiau</b>		
	wahân)	
<b>8</b>	<b>Cyfathrebu</b> (gweler nodiadau – dogfen ar wahân)	
<b>9</b>	<b>Ymgynghori</b> (gweler nodiadau – dogfen ar wahân)	
<b>10</b>	<b>Economaidd</b>	
<b>11</b>	<b>Amgylcheddol</b> (gweler nodiadau – dogfen ar wahân)	
<b>12</b>	<b>Trosedd ac Anrhefn</b> (gweler nodiadau – dogfen ar wahân)	
<b>13</b>	<b>Cytundeb Canlyniadau</b>	

<b>CH – Crynodeb</b>

<b>D – Argymhelliad</b>
<ol style="list-style-type: none"> <li>1) Nodi'r cynnydd mewn perthynas â pharatoi'r Cynllun Integredig a'r bwriad i Aelodau sgrwtineiddio'r Cynllun drafft.</li> <li>2) Cyflwyno'r Cynllun i'r Pwyllgor Gwaith i'w ystyried ym mis Chwefror 2013, yn dilyn ymgynghoriad cyhoeddus.</li> </ol>

**Huw Jones**  
**Pennaeth Gwasanaeth - Polisi**  
**1.11.12**

**Atodiadau:****Papurau Cefndirol:**

- 1) Adroddiad i'r Pwyllgor Gwaith 05/10/10
- 2) Ein Hynys - Ein dyfodol - siapio'r Strategaeth Gymunedol ar gyfer Ynys Môn am y cyfnod 2012-2025
- 3) Adroddiad i'r Bwrdd Comisiynwyr 22/03/11.
- 4) Adroddiad i'r Bwrdd Comisiynwyr 30/07/11.
- 5) Canllawiau Llywodraeth Cymru – Integreiddio Cynlluniau Partneriaeth (canllawiau draft Ionawr 2012 – canllawiau terfynol Mehefin 2012).